

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 52. stav 1. tačka 2. Zakona o organizaciji organa uprave u Federaciji BiH („Službene novine Federacije Bosne i Hercegovine“, broj: 35/05) i člana 8. stav (1) tačka a) Uredbe o načelima za utvrđivanje unutarnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06), na prijedlog Ministarstva finansija, Vlada Zeničko-dobojskog kantona na 10. sjednici održanoj dana 21.06.2019. godine, d o n o s i

ZAKLJUČAK

I.

Daje se saglasnost na Pravilnik o izmjenama i dopunama Pravilnika o unutrašnjoj organizaciji Ministarstva finansija Zeničko-dobojskog kantona, broj: 07-34-8658-2-2/18 od 31.05.2019. godine.

II.

Zadužuje se Ministarstvo finansija Zeničko-dobojskog kantona, da četiri potpisana i ovjerena primjerka Pravilnika iz tačke I. ovog zaključka dostavi Stručnoj službi Vlade Zeničko-dobojskog kantona radi ovjere date saglasnosti Vlade Kantona, nakon čega će po jedan primjerak biti dostavljen Ministarstvu za pravosuđe i upravu i Sekretarijatu za zakonodavstvo, a jedan primjerak će biti vraćen Ministarstvu finansija.

III.

Zaključak stupa na snagu danom donošenja.

PREMIJER
po ovlaštenju

Mirnes Bašić

Broj: 02-_____/19
Datum, 21.06.2019. godine
Z e n i c a

DOSTAVLJENO:

1x Ministarstvo finansija,
1x Stručna služba Vlade,
1x Sekretarijat za zakonodavstvo,
1x Ministarstvo za pravosuđe i upravu,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON
Ministarstvo finansija

P R A V I L N I K
o izmjenama i dopunama Pravilnika
o unutrašnjoj organizaciji Ministarstva
finansija Zeničko-dobojskog kantona

Zenica, maj 2019. godine

PRIJEDLOG

Na osnovu člana 52. stav 1. tačka 2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05) i člana 8. stav 1. tačka a) i člana 9. stav (1) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija («Službene novine Zeničko-dobojskog kantona», broj 8/06), ministar Ministarstva finansija Zeničko-dobojskog kantona, uz saglasnost Vlade Zeničko-dobojskog kantona, d o n o s i

P R A V I L N I K
o izmjenama i dopunama Pravilnika o unutrašnjoj organizaciji
Ministarstva finansija Zeničko-dobojskog kantona

Član 1.

(Izmjena člana 7.)

U Pravilniku o unutrašnjoj organizaciji Ministarstva finansija Zeničko-dobojskog kantona, broj: 07-34-8658-2/18 od 21.06.2018. godine (u daljem tekstu: Pravilnik), član 7. mijenja se i glasi:

„Član 7.

(Radna mjesta izvan osnovnih organizacionih jedinica)

Obavljanje poslova koji su neposredno vezani za ministra, vrši se izvan osnovnih organizacionih jedinica i to za radna mjesta: savjetnika ministra, sekretara Ministarstva, budžetskog inspektora, stručnog saradnika za pravne poslove i višeg referenta za tehničke poslove ministra.”

Član 2.

(Izmjena i dopuna „DIO ČETVRTI“)

U nazivu Pravilnika “DIO ČETVRTI”, riječi: “PO ORGANIZACIONIM JEDINICAMA” se brišu i u navedenom dijelu Pravilnika, iza člana 8. dodaje se novo „POGLAVLJE I. RADNA MJESTA IZVAN OSNOVNIH ORGANIZACIONIH JEDINICA“, a dosadašnja Poglavlja I i II postaju Poglavlja II i III.

Član 3.

(Novi član 8a.)

Iza člana 8., dodaje član 8a. i glasi:

„Član 8a.

(Savjetnik ministra)

(1) Poslovi radnog mjesta „Savjetnik ministra“, koji nema status državnog službenika, vrše se bez osnivanja organizacione jedinice.

(2) Mandat „Savjetnika ministra“ ne može biti duži od mandata rukovodioca organa

državne službe, koji ga je imenovao.

(3) Naziv radnog mjesta: Savjetnik ministra.

(4) Opis poslova:

- a) obavlja poslove savjetodavnog karaktera, odnosno daje savjete i sugestije ministru, koji se odnose na poslove iz djelokruga rada Ministarstva,
- b) sarađuje sa međunarodnim i domaćim organima i organizacijama,
- c) obavlja savjetodavne i stručne poslove i izrađuje analize za potrebe ministra,
- d) ostvaruje odgovarajuću saradnju sa organizacijama i institucijama radi utvrđivanja stavova i kreiranja, odnosno provođenja utvrđene politike,
- e) priprema materijale po nalogu ministra, te prati njihovo izvršenje,
- f) osigurava dokumentacione materijale i podatke,
- g) učestvuje u izradi planova i programa rada Ministarstva,
- h) ostvaruje saradnju sa kantonalnim organima i općinskim/gradskim službama kao i drugim organima, ustanovama na području Kantona, u cilju izvršavanja poslova i zadataka iz nadležnosti Ministarstva,
- i) sve poslove obavlja po procedurama utvrđenim ISO 9001 standardima, te obavlja i druge poslove po nalogu ministra,
- j) za svoj rad odgovara ministru.

(5) Posebni uslovi:

- a) VSS, VII stepen stručne spreme, odnosno visoko obrazovanje prvog (240 ECTS bodova), drugog ili trećeg ciklusa Bolonjskog sistema studiranja, pravne, ekonomske, tehničke ili prirodne struke,
- b) najmanje 5 godina radnog staža u struci, nakon sticanja visokog obrazovanja,
- c) položen stručni ispit u skladu sa propisima o državnoj službi,
- d) poznavanje rada na računaru.

(6) Vrsta djelatnosti: Poslovi osnovne djelatnosti,

(7) Naziv grupe poslova: Studijsko-analitički i stručno-operativni poslovi,

(8) Step en složenosti: Najsloženiji poslovi,

(9) Status izvršioca: Nema status državnog službenika,

(10) Pozicija radnog mjesta: Savjetnik ministra,

(11) Broj izvršilaca: 1 (jedan).“

Član 4.

(Stupanje na snagu)

Ovaj pravilnik stupa na snagu danom davanja saglasnosti od strane Vlade Zeničko-dobojskog kantona na isti.

Broj: 07-34-8658-2-2/18
Zenica, 31.05.2019. godine

MINISTAR

Josip Lovrić

Na ovaj pravilnik data je saglasnost Vlade Zeničko-dobojskog kantona Zaključkom broj: /19 od 2019. godine.

SEKRETAR VLADE
po

ovlaštenju